

Br.: **Sarajewo-ÖB/KULT/0273/2014**

Datum: 06.11.2014

Fakultet političkih nauka Univerziteta u Sarajevu
Ured za međunarodnu saradnju
Skenderija 72
71 000 Sarajevo

Poštovane dame i gospodo,

Austrijska ambasada u Sarajevu rado koristi priliku da Vas informira o studijskim programima i kursevima Diplomatske akademije Beč za akademsku godinu 2015/16.:

- 1) **52. diplomski studijski program:** jednogodišnji studijski program sa širokim interdisciplinarnim obrazovanjem u oblasti međunarodnih odnosa za apsovente na univerzitetima svih usmjerenja. Težište ovog programa je na upoznavanju struktura i politika Evropske unije. Naročit profil ovog studijskog programa obilježen je učenjem praktičnih vještina (tehnika prezentacije i pregovaranja, retorike, projektnog menadžmenta itd), intenzivnim programom jezičkog obrazovanja i višejezične nastave (njemački, engleski i francuski).
- 2) **20. M.A.I.S. – studijski program** (Master of Advanced International Studies): dvogodišnji master-program sa težištem na Evropi. Kandidatkinje i kandidati koji već raspolažu dostatnim interdisciplinarnim akademskim obrazovanjem u oblasti međunarodnih odnosa, mogu biti primljeni izravno u drugu godinu. Ovaj studijski program realizira se u suradnji sa Univerzitetom Beč.
- 3) **9.E.T.I.A. – studijski program** (Master in Environmental Technology & International Affairs): dvogodišnji MSc-program u suradnji sa Tehničkim univerzitetom Beč. Polaznici ovog studijskog programa će se upoznati i sa političkom, privrednom i pravnom pozadinom (1 godina na Diplomatskoj akademiji), kao i sa naučno-tehničkim aspektima međunarodnih pitanja vezanih za okoliš (2. godina na Tehničkom univerzitetu)
- 4) **Ljetni kurs za njemački jezik i kulturu i civilizaciju Austrije:** intenzivna nastava njemačkog jezika za sve nivoe znanja jezika, sa ekskurzijama i radionicama o austrijskoj politici, historiji i kulturi.

Dodatne informacije o ponudi Diplomatske akademije Beč, informacije o načinu apliciranja za određene studijske programe i kurseve te formulari za prijavu se mogu preuzeti sa web-stranici Akademije: www.da-vienna.ac.at

Za pogodne kandidate/kandidatkinje iz Bosne i Hercegovine na raspolaganju stoje posebne stipendije ADA-e (Austrian Development Agency). Za detaljne informacije se možete obratiti Diplomatskoj akademiji Beč.

U prilogu se dostavljaju 2 plakata Diplomatske akademije Beč i brošura o navedenim studijskim programima i kursevima uz molbu, da se isti izlože na vidno mjesto, na pažnju potencijalnim interesentima.

Uz izraze osobitog uvažavanja, Vam upućujem

Srdačan pozdrav



Dr. Wolfgang Thill
Savjetnik